

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 50. stav (5) Zakona o izvršavanju budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 120. sjednici, održanoj dana 09.09.2021. godine, d o n o s i

ODLUKU

o uvećanju sredstava u Budžetu Zeničko-dobojskog kantona za 2021. godinu

Član 1.

(Predmet)

(1) Odobrava se uvećanje sredstava u Budžetu Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21) za budžetskog korisnika Ministarstvo za prostorno uređenje, promet i komunikacije i zaštitu okoline.

(2) Uvećanje sredstava u Budžetu Zeničko-dobojskog kantona za 2021. godinu, vrši se na sljedeći način:

a) na razdjelu 19, budžetska organizacija 01, potrošačka jedinica 0001 – Ministarstvo za prostorno uređenje, promet i komunikacije i zaštitu okoline sredstva izdaci iz namjenskih prihoda, uvećavaju se kako slijedi:

614100 – Tekući transferi općinama iz Fonda za zaštitu okoline za 1.372.868,00 KM

615100 – Kapitalni transferi drugim nivoima vlasti i fondovima za 152.342,00 KM

b) u Budžetu Zeničko-dobojskog kantona za 2021. godinu u dijelu A. PRIHODI u koloni Plan 2021. godina, sredstva na poziciji 722550 – Naknade za zaštitu okoliša – namjenski prihodi, uvećavaju se za 1.525.210,00 KM.

Član 2.

(Namjena korištenja sredstava i izvještavanje)

(1) Sredstva iz člana 1. ove odluke utrošiti će se u skladu sa Programom utroška sredstava Ministarstva za prostorno uređenje, promet i komunikacije i zaštitu okoline.

(2) Ministarstvo za prostorno uređenje, promet i komunikacije i zaštitu okoline dužno je polugodišnje izvještavati Vladu Zeničko-dobojskog kantona o utrošku sredstava.

Član 3.

(Realizacija odluke)

Za realizaciju ove odluke zadužuju se Ministarstvo za prostorno uređenje, promet i komunikacije i zaštitu okoline i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-12220/21

Datum, 09.09.2021. godine

Zenica

PREMIJER

Mirnes Bašić

DOSTAVLJENO:

1x Ministarstvo finansija,

1x Ministarstvo za prostorno uređenje,

promet i komunikacije i zaštitu okoline,

1x „Službene novine Zeničko-dobojskog kantona“,

1x a/a.